

Bosna i Hercegovina
Federacija Bosne i Hercegovine
Tuzlanski kanton
OPĆINSKI SUD U GRAČANICI

Broj: 027-0-Su-26-000 295/2
Gračanica, 21.04.2026. godine

INFORMACIJA
O RADU OPĆINSKOG SUDA U GRAČANICI
ZA 2025. GODINU

Na osnovu elemenata i pokazatelja iskazanih u ovom izvještaju kroz prikaz stanja riješenih i neriješenih predmeta, priliva i strukture predmeta, kvaliteta rada, kaznene politike, izvršenja krivičnih sankcija, kadrovske strukture suda i materijalnog položaja kao i rada sudske uprave, može se sagledati rad Općinskog suda u Gračanici u 2025. godini.

OSTVARENI REZULTATI U IZVJEŠTAJNOM PERIODU U POGLEDU BROJA RIJEŠENIH I NERIJEŠENIH PREDMETA

U Općinskom sudu u Gračanici, sa danom 31.12.2024. godine, ostalo je 2878 neriješenih predmeta, u toku 2025. godine primjeno je 5170 predmeta, što je ukupno u radu 8048 predmeta, od kojih je riješeno u toku izvještajnog perioda 4872 predmeta, što je manje riješeno u odnosu na priliv za 298 predmeta, a više riješeno u odnosu na ukupan broj predmeta u radu u odnosu na 2024. godinu i to za 948 predmeta.

Na kraju izvještajne 2025. godine ostalo je neriješeno 3176 predmeta i zaostatak je veći u odnosu na predhodnu 2024. godinu za 298 predmeta što je identično kao i razlika riješenih predmeta u odnosu na priliv.

Ukupno u 2025. godini u radu je bio 8048 predmeta, a u 2024. godini 6772 predmeta što je znatno više u odnosu na predhodnu 2024. godinu za 1276 predmeta.

Na krivičnom referatu riješeno je 850 predmeta, priliv predmeta je 832, na parničnom referatu riješeno je 621 predmet a priliv je 619 predmeta, na vanparničnom referatu riješeno 680 predmeta a primljeno 937 predmeta, na prekršajnom referatu riješeno 1803 predmeta a primljeno 1539 predmeta i na izvršnom referatu riješeno 916 predmeta a primljeno 1242 predmeta i Su predmeta riješena su 2 predmeta a primljen 1 predmet.

Što se tiče zemljišnoknjižnih predmeta riješeno je 14059 predmeta, od toga je 3276 predmeta na osnovu zahtjeva za upis, dok je 281 predmet riješen na osnovu zahtjeva za uspostavu zk uložaka, a 10502 odnosi na Nar i Rz.

Ukupno je primljeno je 13770 predmeta, od toga 3268 predmeta na osnovu zahtjeva za upis i 10502 predmeta Nar i Rz, dok nije bilo zaprimljenih predmeta na osnovu zahtjeva za uspostavu zk uložaka.

Iz navedenog slijedi da je samo na izvršnom i vanparničnom referatu broj riješenih predmeta u odnosu na priliv manji, a na krivičnom, parničnom, prekršajnom referatu i predmetima sudske uprave broj riješenih predmeta u odnosu na priliv je veći, obzirom da je ukupan priliv predmeta u 2025. godini veći u odnosu na 2024. godinu za 948 predmeta.

Usporedbe radi u 2024. godini na krivičnom referatu priliv je 853 predmeta a riješeno 813 predmeta, dok je u 2025. godini na krivičnom referatu priliv bio 832 predmeta a riješeno 850 predmeta, u 2024. godini na parničnom referatu priliv je bio 574 predmeta a riješeno je 600 predmeta, a u 2025. godini na parničnom referatu priliv je bio 619 predmeta a riješeno 621 predmet, na vanparničnom referatu u 2024. godini priliv je bio 758 predmeta a riješeno je 811 predmeta, dok je u 2025. godini na vanparničnom referatu priliv bio 937 predmeta a riješeno 680 predmeta.

U 2024. godini na prekršajnom referatu priliv je bio 1328 predmeta sa Ips predmetima, a bez Ips predmeta priliv bio 1228 predmeta, riješeno 806 predmeta sa Ips predmetima, bez Ips predmeta riješeno 639 predmeta, dok je u 2025.godini na prekršajnom referatu priliv bio 1539

predmeta sa Ips predmetima, dok je bez Ips predmeta priliv bio 1531 predmet, a riješeno 1803 predmeta sa Ips predmetima, bez Ips predmeta riješeno je 1711 predmeta i na izvršnom referatu u 2024. godini priliv je bio 706 predmeta u CMS-u, 203 predmeta u SOKOP-u, što je ukupno 909 predmeta a riješeno 862 predmeta, dok je u 2025. godini priliv bio 1242 predmeta a riješeno 916 predmeta.

U zemljišno knjižnom uredu priliv predmeta u 2024. godini je bio 3270 predmeta, nije bilo zaprimljenih predmeta po osnovu zahtjeva za uspostavljanje zk uložaka, riješeno je 3245 predmeta na osnovu zahtjeva za upis i 5564 predmeta na osnovu zahtjeva za uspostavljanje zk uložaka.

U 2025. godini priliv predmeta na osnovu zahtjeva za upis primjeno je 3268 predmeta, a nije bilo zaprimljenih predmeta po osnovu zahtjeva za uspostavljanje zk uložaka, riješeno je 3276 predmeta na osnovu zahtjeva za upis i 281 predmet na osnovu zahtjeva za uspostavljanje zk uložaka.

Osim naprijed navedenog u toku 2025. godine riješeno je:

- Nar/Rz. predmeta (predmeti naručenih izvadaka, prepisa i uvjerenja i razna zemljišno-knjižna pismena) 14059,
- izvršeno 2 ovjeravanja isprava (Ov. predmeti),
- izvršeno 856 ovjeravanja isprava namijenjenih za upotrebu u inostranstvu (Ov-h),
- izdato 819 Kr uvjerenja da se ne vodi krivični postupak,
- izdato 297 Prz II uvjerenja da nisu izricane zaštitne mjere obavljanja djelatnosti, da stranka nije prekršajno kažnjavana.

Krivična oblast

U 2025. godini u krivičnoj oblasti sudovanja primljeno je u rad K 832 predmeta.

Broj krivičnih predmeta koji su primljeni u rad 2025. godine u odnosu na 2024. godinu je manji, jer je 2024. godine primljeno 853 predmeta. Došlo je do promjene u strukturi krivičnih djela u odnosu na prethodnu godinu tj. povećan je broj krivičnih djela: nasilje u porodici, neovlaštena proizvodnja i stavljanje u promet opojnih droga, posjedovanje i omogućavanje uživanja opojnih droga, krađa, teška krađa, oštećenje tuđe stvari, prijevara, teška krivična djela protiv sigurnosti javnog prometa, nasilničko ponašanje, ugrožavanje sigurnosti, oštećenje tuđe stvari, ugrožavanje javnog prometa zbog omamljenosti.

U ovoj godini zastupljena su sljedeća krivična djela:

Vrsta krivičnog djela	član KZ F BiH	Broj predmeta
Teška tjelesna ozljeda	172 KZ F BiH	14
Laka tjelesna ozljeda	173 KZ F BiH	22
Protupravno lišenje slobode	179 KZ F BiH	5
Prinuda	181 KZ F BiH	4
Zlostavljanje u obavljanju službe	182 KZ F BiH	1
Ugrožavanje sigurnosti	183 KZ F BiH	16
Narušavanje nepovredivosti doma	184 KZ F BiH	2
Organizirana trgovina ljudima	210 KZ F BiH	1
Navođenje na prostituciju	210 KZ F BiH	3
Oduzimanje djeteta ili maloljetnika	217 KZ F BiH	2

Nasilje u porodici	222 KZ F BiH	51
Neovlaštena proizvodnja i stavljanje u promet opojnih droga	238 KZ F BiH	91
Posjedovanje i omogućavanje uživanja opojnih droga	239 KZ F BiH	150
Krađa	286 KZ F BiH	23
Teška krađa	287 KZ F BiH	59
Utaja	290 KZ F BiH	6
Oštećenje tuđe stvari	293 KZ F BiH	34
Prijevarama	294 KZ F BiH	11
Paljevina	301 KZ F BiH	1
Izazivanje opće opasnosti	323 KZ F BiH	2
Ugrožavanje javnog prometa	332 KZ F BiH	5
Ugrožavanje javnog prometa zbog omamljenosti	333 KZ F BiH	20
Teška djela protiv sigurnosti javnog prometa	336 KZ F BiH	32
Davanje lažnog iskaza	348 KZ F BiH	3
Nasilničko ponašanje	362 KZ F BiH	17
Nedozvoljeno držanje oružja ili eksplozivnih materija	371 KZ F BiH	2
Sprečavanje službene osobe u vršenju službene radnje	358 KZ F BiH	3
Krivotvorenje isprave	373 KZ F BiH	1

U 2025. godini riješeno je 850 krivičnih predmeta, na kraju izvještajnog perioda ostalo je neriješeno 172 K predmeta, a na početku izvještajnog perioda bilo je neriješeno 190 predmeta.

Od ukupno riješenih 850 K predmeta, osuđujućom presudom je završeno 131 predmeta u 71 predmetu presuda je izrečena po osnovu priznanja krivnje, u 10 predmeta presuda je izrečena po sporazumu o priznanju krivnje, u 50 predmeta presuda je donesena nakon održanog glavnog pretresa, u 1 predmetu je donesena obustava postupka i 7 predmeta je završeno na drugi način.

U 224 primljenih Kps predmeta ukupno je optuženo 246 lica od kojih je 174 lica sa područja grada Gračanica, 24 lica sa područja općine Doboj Istok, dok je 48 lica sa područja drugih općina.

Od ukupno riješenih 224 Kps predmeta u 84 predmeta presuda je izrečena po izdavanju kaznenog naloga, u 3 predmeta je donesena presuda na osnovu sporazuma o priznanju krivnje, u 4 predmetu postupak je obustavljen, u 124 predmeta donesena je odluka u meritumu, apsolutna zastara- nedostupnost optuženog ili drugi procesni razlozi nastupila je u 1 predmetu, odbijanje potvrđivanja optužnice doneseno je u 1 predmetu, povučena optužnica u 1 predmetu, prešao u K u 2 predmetu, 4 predmeta su završena na drugi način.

Na kraju izvještajnog perioda ostalo je neriješeno 172 K predmeta.

Kaznena politika

Od riješenih 850 K predmeta, kazna zatvora je izrečena u 59 predmeta, uslovna osuda u 62 predmet, novčana kazna u 6 predmeta, sudska opomena u 1 predmeta, 4 predmeta su završena donošenjem presude kojom se optuženi oslobađa od optužbe, u 4 predmeta je donesena presuda kojom je utvrđeno da je djelo učinjeno u stanju neuračunljivosti, u 2 predmeta su po dva optužena od kojih su za 2 lica oslobođena optužbe a za 2 lica izrečena je uslovna osuda, u 1 predmetu u kome su optužena četiri lica postupak je obustavljen.

Od riješenih 224 Kps predmeta, kazna zatvora izrečena je u 4 predmetu s tim da su u jednom od tih predmeta na kaznu zatvora osuđena dva lica, u 84 predmeta izrečena je uslovna osuda, 126 predmeta prešlo u K, apsolutna zastara- nedostupnost optuženog ili drugi procesni razlozi nastupila je u 1 predmetu, odbijanje potvrđivanja optužnice doneseno je u 1 predmetu, povučena optužnica u 1 predmetu, u 4 predmetu postupak je obustavljen i 3 predmeta su završena na drugi način.

Kaznena politika redovno je analizirana na radnim sastancima sudija i može se ocijeniti adekvatnom počinjenim djelima odnosno jačini ugrožavanja ili povrede zaštićenog dobra, okolnostima pod kojima su djela učinjena, stepenu krivične odgovornosti počinitelaca, kao i drugim okolnostima od kojih zavisi vrsta i visina kazne, odnosno vrsta krivične sankcije.

Pritvor je određivan za 35 lica u 35 predmeta. Pritvor je za 5 lica trajao do 1 mjeseca, za 14 lica trajao od 1 do 3 mjeseca, za 12 lica pritvor je trajao od 3-6 mjeseci dok je za 1 lica pritvor određen preko 6 mjeseci, a za 3 lica pritvor još uvijek traje.

Maloljetnička delikvencija

U 2025. godini u radu je bilo 4 Km predmeta zaprimljena u 2025. godini. U odnosu na 2024. godinu u 2025. godini došlo je do povećanja priliva Km predmeta.

U 2025. godini u zaprimljenim predmetima u postupku protiv maloljetnika zastupljena su sljedeća krivična djela:

Vrsta krivičnog djela	član KZ F BiH	Broj predmeta
Iskorištavanje djeteta ili maloljetnika radi pornografije	211 KZ F BiH	1
Prevara	294 KZ F BiH	1
Posjedovanje i omogućavanje uživanja opojnih droga	239 st. 3. KZ FBiH	1
Oštećenje tuđe stvari	293. st.1.	1

Završeno je 4 predmeta Km.

U 4 Km predmeta izrečene su: u tri predmeta mjere pojačanog nadzora nadležnog organa socijalnog staranja u 1 predmetu mjera upućivanje u vaspitni/odgojni/disciplinski centar na neprekidni boravak.

Trajanje postupka – u svim završenim Km predmetima postupak je trajao do 3 mjeseca.

a) Gradanska oblast

Pregled primljenih parničnih predmeta:

Red. br.	Vrsta parničnog spora	Broj predmeta
1.	Sporovi iz bračnih i porodičnih odnosa	133
a	Razvod braka	95
b	Izdržavanje	
	- djece	8
	- bračnog druga	1
c	Osporavanje očinstva / materinstva	1
d	Utvrđivanje očinstva/materinstva	3
e	Podjela bračne stečevine	12
f	Određivanje neposrednih kontakata djeteta sa roditeljem sa kojim ne živi	1
g	Određivanje staranja o djetetu	4
h	Izmjena odluke o povjeravanju djeteta	6
i	Utvrđivanje vanbračne zajednice	2
2.	Sporovi iz nasljeđivanja	1
3.	Sporovi iz stvarnog prava	43
a	Smetanje posjeda i prava	5
b	Svojina i posjed nepokretnosti	4
c	Utvrđenje služnosti	8
d	Utvrđivanje i uknjižba	24
e	Priznavanje prava vlasništva dosjelošću	1
f	Uznemiravanje prava vlasništva	1
4.	Sporovi po osnovu ugovora i pravnih poslova	6
a	ostali (zajam, raskid ugovora)	6
5.	Sporovi o naknadi štete	80
6.	Sporovi iz radnih odnosa	14
7.	Ostali sporovi	353
a	Dug	160
b	Komunalne i slične usluge	169
c	Prijedlog za određivanje mjere osiguranja	5
d	Isplata potraživanja	1
e	Kleveta	2
f	Ostali	16

Na parničnom referatu (P, RS i Mal predmeti) primljeno je 619 predmeta (270 P, 26 RS, 314 Mal, 2 P-Mpom i 7 P-Mo) i u toku izvještajnog perioda u radu je bilo ukupno 934 predmeta.

U 2025. godini riješeno je ukupno 621 parničnih predmeta (252 P, 18 Rs, 342 Mal, 2 P-Mpom i 7 P-Mo predmeta), od čega presudom zbog propuštanja 182 predmeta. Od 251 P predmeta presudom zbog propuštanja završeno je 29 predmeta, od 342 Mal predmeta 151 je završeno presudom zbog propuštanja.

Presudom na osnovu priznanja riješeno je 22 predmeta (od čega 15 P, 6 Mal predmeta). Presudom donesenom nakon provedene rasprave riješeno je 188 predmeta (od čega 143 P, 9 Rs, 20 Mal predmeta i 6 P-Mo). Sudskom nagodbom je riješeno 23 predmeta (od čega 14 P, 2 Rs, 4 Mal predmeta). Procesnom odlukom je riješeno 30 predmeta (od čega 4 P, 26 Mal predmeta), a na drugi način (odbacivanjem tužbe, povlačenjem tužbe, obustavom, prekidom i dr) je riješeno 183 predmeta (od čega 47 P predmet, 6 Rs predmeta, 121 Mal predmeta, 6 Rs predmeta, 2 P-Mpom i 1 P-Mo).

Na kraju izvještajnog perioda ostalo je neriješeno 313 parničnih predmeta (162 P, 23 Rs, 126 Mal, 1 P-Mpom i 1 P-Mo).

b) Vanparnični referat

Pregled primljenih vanparničnih predmeta:

Vrsta vanparničnog postupka	Broj predmeta
Ostavinski postupak	567
Deponovanje testamenta	9
Opozivanje testamenta	3
Obezbjeđenje dokaza	4
Oduzimanje roditeljskog staranja	1
Održavanje neposrednog kontakta malodobne djece sa nanom i dedom	1
Proglašenje testamenta	1
Proglašenje nestale osobe umrlim	1
Dozvola za zaključenje braka	3
Dozvola za zaključenje braka	3
Dioba stvari i nekretnina u zajedničkom vlasništvu	19
Uređenje međa	13
Pravna pomoć	10
Ostalo	2
Protest mjenice	38
Oduzimanje poslovne sposobnosti	5

Na vanparničnom referatu (O i V predmeti) primljeno je 915 predmeta i u toku izvještajnog perioda u radu je bilo ukupno 1236 predmeta

U toku izvještajnog perioda riješeno je 680 predmeta od toga 567 ostavinska predmeta (O), 94 vanparničnih (V-V), 8 deponovanja testamenta (Pi-Pi), 10 predmeta pružanja međunarodne pravne pomoći (V-Mpom) i 1 predmet V-Pom.

Od 94 riješenih V predmeta donošenjem odluke u meritumu riješeno je 34 predmeta, sudska nagodba je zaključena u 2 predmetu, povlačenjem prijedloga 7 predmeta, prekid postupka određen je u 8 predmeta, na drugi način riješeno 42 predmeta.

Od ukupno riješenih 10 V-Mpom predmeta u 7 predmeta je zamolnica izvršena a u 3 predmetu nije izvršena.

Od ukupno riješenih 567 O predmeta, od strane notara riješeno 521 predmeta, na osnovu raspravljanja zaostavštine riješeno 24 predmeta, prekid postupka u 3 predmeta, prijedlog odbačen u 3 predmeta, prijedlog povučen u 3 predmetu, završeno na drugi način u 6 predmeta, u 2 predmeta je doneseno rješenje o neraspravljanju zaostavštine, prijedlog na rješenje notara odbijen u 4 predmeta, prijedlog na rješenje notara usvojen u 1 predmetu.

c) Izvršni referat

Na izvršnom referatu u toku 2025. godine primljeno je 1242 predmeta i to: 788 komunalnih predmeta, 5 I-Mpom predmeta, 57 Ip predmeta i 392 I predmeta (I-I 210 predmeta, K-I 48 predmeta, Mal-I 79 predmeta, P-I 50 predmeta, Rs-I 4 predmeta i V-I 1 predmet).

U toku 2025.godine riješeno je 916 izvršnih predmeta i to 276 I predmeta, 72 Ip i 5 I-Mpom predmeta, 326 komunalnih predmeta, 55 K-I predmeta, 128 Mal-I predmeta, 47 P-I predmeta, Rs-I 3 predmeta i V-I 4 predmet .

Na kraju izvještajnog perioda ostalo je ukupno neriješeno 1006 izvršnih predmeta i to 149 I predmeta, 30 Ip, 736 komunalnih predmeta, 18 K-I predmeta, 31 Mal-I predmeta, 40 P-I predmeta, Rs-I 2 predmeta.

Od ukupno 1006 neriješenih izvršnih predmeta su 736 komunalni a 270 su ostali.

Trajanje postupka: Prosječno trajanje postupka na svim referatima u izvještajnom periodu je 217,10 dana što je manje u odnosu na 2024. godinu za 26,64 dana.

Na krivičnom referatu prosječno trajanje postupka je 71,90 dana, na parničnom referatu 209,93 dana, na vanparničnom referatu 184,64 dana, na prekršajnom referatu 258,23 dana, izvršnom referatu 300,13 dana.

Duže trajanje postupka na izvršnom referatu u odnosu na ostale je zbog toga što se radi o predmetima sa više izvršenika, sa više različitih sredstava izvršenja, odnos tražioca izvršenja utiče na dužinu trajanja postupka na način da se traži odlaganje izvršenja, ekonomska situacija u BiH jer se najčešće izvršenje sprovodi na nekretninama i pokretnim stvarima što usporava rad po izvršnom predmetu, dok na prekršajnom referatu je zbog broja predmeta kod sudija i različitih referata, zbog nemogućnosti održavanja ročišta odnosno odsustva okrivljenih, kao i zbog dužine trajanja u Ips predmetima.

Kako bi se skratio postupak na svim referatima redovno se analizira broj predmeta kod sudija, vrši promjena rasporeda poslova po ukazanoj potrebi.

Pregled rada u izvještajnom periodu po Pr predmetima

U izvještajnom periodu primljeno je ukupno 1539 prekršajnih predmeta od čega je 1402 Pr predmeta, 47 Pr-Zm, 46 Prm-Prm, 1 Pr- Mpom predmeta, 1 Pr- Pom predmeta, 2 Pr-Pls predmeta, 4 Pr-Prz i 8 Ips predmeta, Pr-Pv 1 predmet.

U izvještajnom periodu na prekršajnom referatu ukupno je riješeno 1803 predmeta od toga: 1608 Pr predmeta, 75 Pr-Zm, 46 Prm-Prm, 1 Pr- Mpom predmeta, 1 Pr- Pom predmeta, 2 Pr-Pls predmeta, 3 Pr-Prz, Pr-Ips 92 predmeta.

Na kraju izvještajnog perioda ostalo je ukupno 1107 neriješenih prekršajnih predmeta od kojih je: 781 Pr predmeta, 38 Prm-Prm, 1 Pr-Prz, Pr-Pv 1 predmet, Pr-Ips 286 predmeta.

Zemljišno-knjižni ured

U 2025. godini riješeno je 14059 predmeta zajedno sa predmetima usaglašavanja katastra i zemljišne knjige, od toga 3276 redovnih Dn predmeta na osnovu zahtjeva za upis, 9861 Nar predmeta, 641 Rz predmeta i 281 predmeta na osnovu zahtjeva za usaglašavanje katastra i zemljišne knjige.

Primljeno 3268 redovnih Dn predmeta, s tim da u 2025. godini nisu primljeni zahtjevi za usaglašavanje katastra i zemljišne knjige. Treba naglasiti da je u 2015. godini započeo Projekat registracije i usaglašavanja podataka o nekretninama i pravima na nekretninama iz katastra i zemljišne knjige za k.o. Gračanica i Gornja Orahovica, tako da je u 2015. godini zaprimljeno 14338 predmeta, dok je u novembru i decembru 2016. godine zaprimljeno 10256 predmeta za usaglašavanje katastra i zemljišne knjige za k.o. D. Lohinja-Pribava, Donja Orahovica i Lukavica Rijeka, u zadnjem kvartalu 2018. godine je zaprimljeno 9795 predmeta za usaglašavanje katastra i zemljišne knjige za k.o. Stjepan Polje, Miričina i Lukavica, u 2020. godini zaprimljeno 8106 predmeta za usaglašavanje katastra i zemljišne knjige za k.o. Babići, Malešići, Rašljeva i Gornja Lohinja, dok je u 2021. godine zaprimljeno 28 predmeta, a u 2022. godini 25 predmeta za usaglašavanje katastra i zemljišne knjige, u 2023. godini zaprimljeno je 14419 predmeta za usaglašavanje katastra i zemljišne knjige za k.o. Soko, Piskavica, Škahovica, Džakule, Doborovci, Vranovići i Preko Brdo. U toku 2025. godine priliv redovnih zemljišnoknjižnih predmeta na osnovu zahtjeva za upis je manji u odnosu na 2024. godinu za 2 predmeta a broj riješenih predmeta je veći u odnosu na 2024. godinu i to za 31 predmet, dok na osnovu zahtjeva za usaglašavanje katastra i zemljišne knjige u 2025. godini nije bilo zaprimljenih predmeta ali je riješeno 281 predmet te vrste što je dosta manje u odnosu na 2024. godinu

RJEŠAVANJE ZAOSTALIH PREDMETA

Na početku 2025. godine ostalo je neriješenih starih predmeta i to: 146 predmeta starijih od jedne godine, starijih od dvije godine 47, starijih od tri godine 46, starijih od osam i više godina 24, što je znatno manje u odnosu na 2024. godinu.

U periodu od 01.01. do 31.12.2025. godine ukupno riješeno 234 predmeta: 132 predmeta starijih od jedne godine, 37 predmeta starijih od dvije godine, 42 predmeta starijih od tri godine, 23 predmeta starija od osam i više godina.

Na dan 31.12.2025. godine ostalo neriješeno ukupno 9173 predmeta, uključujući i zemljišnoknjižne predmete iz Projekta usaglašavanja katastra i zemljišne knjige, dok je bez pomenutih predmeta u 2025. godini ostalo neriješeno 3222 predmeta zajedno sa 46 redovnih Dn predmeta. U toku 2025. godine primljeno je u rad novih 5170 predmeta, tako da je u radu bilo ukupno 8048 predmeta. U istom periodu riješeno je 18931 predmeta od kojih je 281 predmet riješen iz Projekta usaglašavanja katastra i zemljišne knjige a 13778 redovnih zemljišnoknjižnih predmeta, s tim da je od ukupno riješenih zemljišnoknjižnih predmeta, 13770 riješenih predmeta su predmeti primljeni u rad toku 2025. godine a 6286 predmeta koji su kao neriješeni preneseni iz prethodnih godina.

Na dan 31.12.2025. godine u pogledu neriješenih predmeta na osnovu zahtjeva za upis na kraju 2025. godine ostalo je 46 neriješenih predmeta što je manje u odnosu na 2024. godinu, a kad su u pitanju zahtjevi za uspostavljanje zk uložaka na kraju 2025. godine ostalo je 5951 neriješen predmet.

Na kraju izvještajnog perioda na osnovu zahtjeva za upis ostalo je 46 neriješenih predmeta, i to iz 2025. godine 37 predmeta i 2024. godine 6 predmeta i 2023. godine 3 neriješena predmeta za upis u zemljišne knjige, dok je za uspostavu zk uložaka starost neriješenih predmeta većim dijelom iz 2023. godine 5806 predmeta, iz 2020. godine 79 predmeta, 2018. godine 8 predmeta, 1 predmet i 2015. godine 57 predmeta.

Rad zemljišnoknjižnog ureda je sasvim zadovoljavajući, broj neriješenih predmeta na kraju izvještajne godine je neznatan (46 predmeta), s obzirom na Projekat usaglašavanja i broj predmeta koji su primljeni u 2015., 2016., 2018., 2020. i 2023. godini, u 2021. i 2022. godini nije bilo novih predmeta zaprimljenih po osnovu Projekta.

Preneseni predmeti iz ranijih godina nisu riješeni iz procesnih razloga jer u pojedinim krivičnim predmetima optuženi nisu dostupni, mijenjaju se adrese, u parničnim predmetima, osim složenosti predmeta prisutna je kod određenog broja predmeta i nemogućnost dostave tužbe na odgovor tuženoj strani zbog promjenjenih ili netačnih adresa. Kod izvršnih predmeta razlog nerješavanja je to što je u izvršnim predmetima više izvršenika, tražitelj izvršenja dostavi netačne adrese, izjavljivanje prigovora izvršenika usporava postupak, zatim česta potreba da se vrši popis, procjena i prodaja pokretnih stvari izvršenika zbog čega sudski izvršilac fizički nije u mogućnosti da izvrši popis u svim predmetima, u pojedinim predmetima od strane tražilaca izvršenja traži se i ponovni popis stvari, izvršni postupak usporava podnošenje zahtjeva tražilaca izvršenja za odlaganje izvršenja na određeni vremenski period (6 mjeseci ili godinu dana) iz razloga što je izvršenik počeo sa plaćanjem duga.

Radi bržeg rješavanja starijih predmeta sud svake godine u skladu sa Uputstvom Visokog sudskog i tužilačkog vijeća Bosne i Hercegovine donosi Plan rješavanja predmeta, čija se realizacija redovno prati. Prema Uputstvu Vijeća plan se sačinjava za predmete koji nisu hitne prirode, komunalne prirode i odnosi se na one koji nisu riješeni za godinu dana od prijema inicijalnog akta u sud (optužnica, tužba, prijedlog za izvršenje). S tim u vezi, može se reći da je u prethodnoj godini zadovoljavajući broj starih predmeta riješen.

Procenat norme ostvaren na starim predmetima u odnosu na ukupan broj starih predmeta je 88,98% (234:263). Od starih predmeta 263 (predmeti inicirani 2023., 2022., 2021., 2020., 2019., 2018., 2017, 2016, 2015. 2010. i ranije) koliko je bilo na početku 2025. godine, riješeno je 234 predmeta. Radi se o predmetima koji su na početku 2025. godine bili stariji od 1 godine.

Iz gore navedenog proizilazi da je na kraju 2025. godine ostalo starih neriješenih predmeta (starijih od jedne i više godina od izvještajnog perioda) ukupno 29 i to: starijih od jedne godine 14, starijih od dvije godine 10, starijih od tri godine 4 i 1 predmet stariji više od osam godina.

STATISTIČKI KVALITET ODLUKA

Statistički kvalitet odluka se izračunava u skladu sa članom 17. Kriterija za ocjenjivanje rada sudija u Bosni i Hercegovini („Službeni glasnik BiH“, broj 85/22 i 83/23) i to na temelju sljedećih podkriterija:

- procent ukinutih odluka u odnosu na ukupan broj potvrđenih, preinačenih i ukinutih odluka od strane suda više instance
- procent ukinutih i preinačenih odluka, koje se u smislu stava 2. istog člana računaju kao ukinute, u odnosu na ukupan broj predmeta u kojima je donesena konačna odluka na koju se može izjaviti pravni lijek sudu više instance.

Broj donesenih odluka suda u 2025. godini na koje se mogao izjaviti pravni lijek je 1871, ukupan broj ožalbenih odluka 228, broj potvrđenih odluka je 171, broj preinačenih odluka je 22, broj ukinutih odluka je 29 a broj djelimično ukinutih je 6, broj odbačenih pravnih lijekova 1, dok je 11 predmeta vraćeno ovom sudu na ponovni postupak.

U skladu sa navedenim Kriterijima, kvalitet ostvaren u izvještajnom periodu je 89,66%.

IZVRŠENJE KRIVIČNIH SANKCIJA

U toku 2025. godine, u radu je bilo 65 predmeta izvršenja krivičnih sankcija (upućivanje pravnosnažno osuđenih lica na izdržavanje kazne zatvora) od kojih je 18 preneseno iz prethodnih godina, a 47 je primljeno u 2025. godini.

U toku izvještajnog perioda riješena su 35 predmeta, a 30 je ostalo neriješenih.

Od 35 riješenih predmeta izvršenja krivičnih sankcija u 29 predmeta osuđena lica su sa područja Grada Gračanica, u 6 predmeta iz općine Doboj Istok.

KADROVSKA STRUKTURA SUDA I MATERIJALNI POLOŽAJ

Općinski sud u Gračanici vrši sudsku vlast za područja Grada Gračanica i općine Doboj Istok i za vršenje poslova prema Pravilniku o unutrašnjoj organizaciji i sistematizaciji radnih mjesta u Općinskom sudu u Gračanici broj:09-02-6-3393/25 od 10.10.2025. godine, obrazovane su organizacione jedinice kroz Sudsko odjeljenje (Krivično-prekršajno odjeljenje, Gradansko-izvršno odjeljenje), Odjeljenje sudske uprave (Odsjek za sudsku upravu i Odsjek pisarnica), te Odjeljenje za zemljišnoknjižne poslove.

Prema navedenom Pravilniku predviđeno je da sudsku funkciju u Općinskom sudu u Gračanici vrši 6 redovnih sudija, uključujući i predsjednika suda, 2 stručna saradnika, a da ostale poslove iz nadležnosti suda obavlja 10 državnih službenika i 24 namještenika, s tim da nisu popunjena sva predviđena radna mjesta.

Poslove sudija u izvještajnom periodu obavljalo je 5 sudija (predsjednik suda, 4 redovnih sudija) i 2 stručna saradnika.

U 2025. godini popunjeno je upražnjeno radno mjesto dva namještenika i to: Viši referent za administrativno-tehničke poslove (sudski izvršilac) koje je popunjeno 17.04.2025. godine i Viši referent za administrativno-tehničke poslove (prijem i otprema pošte) koje je popunjeno 09.07.2025. godine.

Dakle, u 2025. godini osim nepopunjenog radnog mjesta sudije, još su upražnjena određena mjesta državnih službenika i namještenika zbog finansijske situacije, pa je tako od predviđenih 10 popunjeno 5 radnih mjesta državnih službenika, dok je od predviđenih 24 namještenika popunjeno 22 namještenika.

RAD SUDSKE UPRAVE

U Odjeljenju sudske uprave obavljaju se poslovi kojima se osiguravaju uslovi za pravilan rad i poslovanje Suda a u okviru Odjeljenja sudske uprave formirane su unutrašnje organizacione jedinice a) Odsjek sudske uprave i b) Pisarnica.

Poslovi Odsjeka sudske uprave obuhvataju:

- organiziranje unutrašnjeg poslovanja u Sudu,
- obezbjeđenje blagovremenog i urednog obavljanja poslova u Sudu,
- osiguravanje uslova za rad sudija, stručnih saradnika i ostalih zaposlenika u Sudu, obavljanje poslova u vezi sa ostvarivanjem prava, obaveza i odgovornosti sudija, stručnih saradnika i ostalih zaposlenika u Sudu,
- podršku i brigu o stručnom usavršavanju sudija, stručnih saradnika i ostalih zaposlenih u Sudu,

- održavanje biblioteke u sudu i redovno popunjavanje aktuelnom stručnom literaturom,
 - vođenje personalne dokumentacije,
 - vršenje poslova finansijskog i materijalnog poslovanja Suda,
 - obavljanje poslova javnih nabavki,
 - obavljanje poslova iz radnih odnosa,
 - poslovi izvršenja krivičnih i prekršajnih sankcija,
 - poslovi u vezi sa pritužbama na rad sudija, stručnih saradnika, državnih službenika i namještenika,
 - poslovi međunarodne pravne pomoći,
- ostali poslovi određeni Zakonom i drugim propisima.

U radu suda primjenjuju se odredbe Zakona o sudovima, Pravilnika o unutrašnjem sudskom poslovanju Federacije BiH i Brčko distrikta, Pravilnika o sistemu za automatsko upravljanje predmetima u sudovima (CMS), Pravilnika o orijentacionim mjerilima za rad sudija i stručnih saradnika i Uputstva VSTV-a BiH za rad po starim neriješenim predmetima kao i drugi propisi.

U okviru rada sudske uprave, izvršena je i redovna obaveza predsjednika suda u pogledu godišnjeg ocjenjivanja rada sudija, stručnih saradnika i svih ostalih uposlenika Suda. Predsjednik Suda je obavio ocjenjivanje rada 4 sudija i 5 državnih službenika Suda, dok je po prijedlogu šefa pisarnice i šefa zk ureda, predsjednik Suda u okviru svojih nadležnosti izvršio ocjenjivanje ostalih zaposlenika.

U izvještajnom periodu kontinuirano su se izrađivali i mjesečni izvještaji o radu svakog sudije pojedinačno i suda u cjelini, a program CMS omogućavao je svakom od sudija da u bilo kojem trenutku ima informaciju o svojim ostvarenim radnim rezultatima i stanje broja neriješenih predmeta.

Odjeljenje sudske uprave je i u toku 2025. godine osiguralo sudijama administrativno-tehničku podršku pri pohađanju obaveznih edukacija svakog sudije (i to u trajanju od najmanje tri dana) ostvarenih kroz seminare i konferencije koje je organizovao Centar za edukaciju sudija i tužilaca FBiH, kako onih održanih na predviđenim edukacijama tako i onih održanih on-line, a gdje su se iskustva stečena na stručnim usavršavanjima pozitivno odrazila na kvalitet rada svakog sudije pojedinačno ali i Suda u cjelini.

U okviru sudske uprave redovno su se održavali i radni sastanci sa šefovima unutrašnjih organizacijskih jedinica, a što je rezultiralo znatno boljom kvalitetom obavljanja svakodnevnih poslova i radnih zadataka, odgovornijim odnosom prema radu i radnoj disciplini te dosljednijem poštivanju Etičkog kodeksa ponašanja.

Web stranica suda se ažurira nastojeći da pruži javnosti potrebne podatke o radu suda i sudskim uslugama počevši od rasporeda održavanja glavnih pretresa i rasprava pa do načina ostvarivanja slobode pristupa informacijama, kao i ostalih obavještenja i uputstava kako bi strankama bili olakšani različiti postupci pred sudom.

Na kraju treba istaći i činjenicu da je sudska uprava ostvarila i veoma dobru saradnju sa Odjelom sudske policije, koja je smještena u zgradi Suda, i da je sudska policija u proteklom periodu uspješno obavila sve zadatke koje je dobivala od strane predsjednika Suda, sudija sa krivičnog referata te sudija sa drugih referata.

OCJENA I PRIJEDLOG MJERA

Osnovne karakteristike za ovaj izvještajni period, u najkraćem, bile bi:

Općenito, priliv predmeta u 2025. godini je veći u odnosu na 2024. godinu i to za 745 predmeta. Priliv predmeta u 2025. godini je veći u odnosu na priliv u 2024. godini na parničnom, vanparničnom, prekršajnom i izvršnom referatu, dok je na krivičnom referatu neznatno manji prijem.

U pogledu zemljišnoknjižnih predmeta priliv predmeta na osnovu zahtjeva za upis u 2025. godini je skoro isti kao i u 2024. godini (razika 2 predmeta), broj riješenih predmeta u 2025. na osnovu zahtjeva za upis je veći u odnosu na 2024. godinu za 31 predmet. Kad su u pitanju zahtjevi za uspostavljanje zk uložaka u 2024. i 2025. godini nije bio zaprimljenih predmeta.

U pogledu neriješenih predmeta na osnovu zahtjeva za upis na kraju 2025. godine ostalo je 46 neriješenih predmeta što je manje u odnosu na 2024. godinu, a kad su u pitanju zahtjevi za uspostavljanje zk uložaka na kraju 2025. godine ostalo je 5951 neriješen predmet.

Na kraju izvještajnog perioda na osnovu zahtjeva za upis ostalo je 46 neriješenih predmeta, i to iz 2025. godine 37 predmeta i 2024. godine 6 predmeta i 2023. godine 3 neriješena predmeta za upis u zemljišne knjige, dok je za uspostavu zk uložaka starost neriješenih predmeta većim dijelom iz 2023. godine 5806 predmeta, iz 2020. godine 79 predmeta, 2018. godine 8 predmeta, 1 predmet i 2015. godine 57 predmeta.

Rad zemljišnoknjižnog ureda je sasvim zadovoljavajući, broj neriješenih predmeta na kraju izvještajne godine je neznatan (46 predmeta), s obzirom na Projekat usaglašavanja i broj predmeta koji su primljeni u 2015., 2016., 2018., 2020. i 2023. godini, u 2021. i 2022. godini nije bilo novih predmeta zaprimljenih po osnovu Projekta.


Radni rezultati skoro svih sudija su zadovoljavajući imajući u vidu da je smanjen broj nosilaca pravosudne funkcije, kao i duže odsustvo stručnog saradnika po osnovu bolovanja.

S obzirom na ostvarenu kolektivnu normu suda od 104,81 %, može se konstatovati da je postignut odgovarajući rezultat u postupanju sa predmetima što je umnogome doprinio i veći broj riješenih predmeta u odnosu na sam priliv predmeta, kao i činjenica da nijedan od sudija nije bio odsutan duži period sa posla dok je stručni saradnik Vatroslav Grubešić bio odsutan sa posla zbog bolovanja od januara do maja mjeseca.

Četiri sudije su imali prebačaj norme (uključujući normu predsjednika suda) a jedan sudija i dva stručna saradnika su imali normu ispod 100% godišnje norme, od kojih je jedan stručni saradnik bio na bolovanju od mjeseca januara do maja mjeseca, dok se rad svih ostalih uposlenika cijeni kao uspješan odnosno naročito uspješan, posebno kada se ima u vidu nepopunjenost sistematizacije, odsustva po osnovu bolovanja, porodijskog odsustva i prestanak rada.

Cjelokupan rad suda za 2025. godinu se može ocijeniti kao uspješan, o čemu govore podaci o broju ukupno riješenih predmeta sa godišnjom normom od 104,81 %, i kvalitetom rada suda od 89,66%, takođe i smanjenim brojem starih predmeta u odnosu na 2024. godinu.

Plan rješavanja predmeta za nivo suda realizovan je u procentu od 94,51%.



Efikasnost posmatrana kroz dužinu trajanja postupka je različita u odnosu na vrstu predmeta, zavisno od broja predmeta na određenom referatu te priliva predmeta, a od uticaja je i odsustvo sa posla stručnog saradnika od januara do mjeseca maja, radi bolovanja.

Rokovi propisani u Zakonu o krivičnom postupku za odlučivanje o potvrđivanju i dostavljanju optužnice, zakazivanje ročišta radi izjašnjavanja o krivnji, razmatranje izjava o priznanju krivnje, kao i u pogledu pritvorskih predmeta tako i u pogledu zakazivanja glavnih preteresa, su u najvećem dijelu predmeta ispoštovani.

Rokovi propisani Zakonom o parničnom postupku su ispoštovani u pogledu dostave tužbe na odgovor, kao i u zakazivanju pripremnih ročišta i glavnih rasprava što je umnogome doprinio i smanjeni priliv predmeta, kao i činjenica da nijedan od sudija tokom godine nije bio odsutan duži period osim stručnog saradnika koji je na bolovanju od maja mjeseca do jula mjeseca, nakon čega je ponovo odsutan zbog bolovanja i to od mjeseca septembra do kraja godine).

Rokovi propisani za izradu odluka uglavnom su ispoštovani na svim referatima, osim u opravdanim slučajevima.

U izvještajnom periodu ostvarena je saradnja na zavidnom nivou sa Centrom za pružanje besplatne pravne pomoći što se odrazilo na aspekt budžetskih sredstava zbog angažovanja uposlenika Zavoda u predmetima i saradnja sa Centrom za socijalni rad Gračanica a na temu jednakog tretmana žena i muškaraca prilikom davanja mišljenja o povjeri djeteta.

Uz saglasnost Arhiva TK, izdvojeno je 25000 predmeta, bezvrijednog registratorskog materijala, te je isti uništen, na koji način je oslobođen prostor za druge predmeta koji se čuvaju.

U toku 2024. i 2025. godine nastavljene su aktivnosti kako bi se okončao projekat usaglašavanja zemljišnih knjiga sa Katastrom nekretnina i potpisan je Sporazum sa Federalnom Upravom za geodetske poslove kojim su obuhvaćene i sve preostale katastarske opštine koje do sada nisu bile, izuzev k.o. Skipovac koji je na liniji razgraničenja. Iako je za zaposlene u zemljišno knjižnom uredu time znatno povećan obim posla, isto je od velikog uticaja na usaglašenost podataka o nekretninama, a istovremeno će uticati na smanjivanje broja parničnih predmeta, jer se često dešava da se podnose tužbe za utvrđivanje prava vlasništva u kojim predmetima se kao tuženi označavaju, deset, pedeset, stotinu i više lica što znatno otežava efikasno postupanje u takvim vrstama predmeta, a usaglašavanjem podataka građani ostvaruju finansijsku korist zbog troškova koje bi imali u parničnim postupcima.

Takav projekat je na teret ovog suda, odnosno zemljišno knjižnog ureda u smislu povećanog obima posla i aktivnosti, koji se provodi bez naknade ali u interesu građana.

Ocjena o potrebnom broju sudija, stručnih saradnika i namještenika.

Ako se ostvareni priliv predmeta u 2025. godini, sagleda u odnosu na godišnju normu, proizilazi da bi se zadržala postojeća ažurnost suda, odnosno ista i povećala, potrebno je prije svega popuniti upražnjeno radno mjesto u pogledu jednog redovnog sudije, povećati broj namještenika i državnih službenika imajući u vidu predviđenu sistematizaciju novim Pravilnikom o unutrašnjoj organizaciji i sistematizaciji radnih mjesta.



REDSJEDNIK SUDA
Husejin Šerbečić